



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

240. Kurfürst Joachim nimmt Hans Hoebeck auf 6 Jahre als Capitain und
Diener an, den 28. November 1519.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

240. Kurfürst Joachim nimmt Hans Hoebeck auf 6 Jahre als Capitain und Diener an,
den 28. November 1519.

Wyr Joachim, von gots gnaden Marggraff zu Brandenburg vnd Curfurft etc., Bekennen vnd thun kunt öffentlich mit difem brieff vor vns, vnser erben vnd nachkomen vnnnd funft allermeniglich, die In feher, horen lesen, das wir vnsern lieben getrewenn Hannsen Hoebeck zu vnserm Capiten vnd dynere Sechs Jar lang, die nechsten nach dato volgend, auffgenommen vnd Im dafur Jerlich vnd ydes Jars berurt Zeyt vber funfzig gulden an muntz foldes aus vnser Camer, nemlich auff die heyligen Weinnachtenn vber ein Jar, so man schreiben wirt nach Christi geburt der mindern Zall Im ein vnd zweinzigsten Jar, anzugeenn vnd zuuerreichenn, dartzw Im selb dritt, wann er bey vns alhir vnnnd In vnsern geschefften ist, vnnnd auff drey pferd futer vnnnd mael vnd Im vnd seinen zweyen dynern, so er wesentlich alhir ist, vnser hofcleidung zw yder vnser cleydung, wie wir die gewonlich vber hof pflegen zu cleidenn, zugeben, auch Im, wann wir Ime Jarls vnsern dinsten vnd geschefften geprauchenn, fur gewonlichen pferd schaden zu sten versprochen vnnnd verschriben habenn. Nemen Ime also zu vnserm Capiten vnd diener auff vnd versprechen Im sold, futer vnd mael, hofcleidung vnd pferd schaden, alles wie obtet, Inn crafft vnnnd macht dits briues vnd also, wann wir gnanten hannsen hoebeck zu vnserm vnd vnser herschafft obligen vnnnd dinsten erforderenn, das er vns dan dinstgewertig sein, vnnsern fromen vnd bestes werben vnd schaden warnen, auch alles das Inn vnsern geschefften, kriegen vnd funft thun, furnemenn, auch Inn geheim halten, das einem fromenn Capiten vnd dienere zusteet vnd eygent, vns auch nach erfurderung der notdurfft auff vnser begern vnd ansuchen Zu allen vnsern obligen vnd geschefften kriegs knecht vonn Zweyenn bis Inn dreyen an nach vnsern gefallen vnnnd anzeigen auff vnser befoldung bestellen, sich auch funft die Zeit vber cu keinem andern herren vnd dinst, sonderlich die wider vns weren oder sein, bestellen oder geprauchenn lassen, soll, noch will, es geschee dann mit vnserm wissenn, willen vnd nachgeben, vnd wann er auch zw yder Zeyt bey vns ist vnnnd wir In zu andernn oder sondern vnsern geschefften nicht geprauchenn wurde, so soll er auch verpflichtet sein zu vnsern gepewen, die wir dann vor habenn, helfen, raten vnnnd zu sehen nach seinem besten verstand vnnnd vermugen, wie er vns das alles eyd vnd pflicht gethann vnd sein Reuers brieff gegeben hat, getrewlich vnnnd vngeuerlich. Zu urkunt etc. Datum am montag nach katherine volgennd, Anno etc. XIX.

Aus dem Churmärkischen Lehnscopialbuche XXXII, 122. 123.